



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-2-40-535-4/22**

Datum: **26.12.2022. godine**

«Agencija za vodno područje rijeke Save» Sarajevo rješavajući po zahtjevu Službe za urbanizam, geodetske i imovinsko – pravne poslove, Općina Maglaj, a za izdavanje vodne saglasnosti za uređenje lijeve obale rijeke Bosne, na području općine Maglaj, dionica Gradski most – Željeznički (Vatreni) most, na osnovu člana 109. stav (1) tačka 8. i 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Podnosiocu zahtjeva, Općini Maglaj, daje se vodna saglasnost za uređenje lijeve obale rijeke Bosne, dionica Gradski most – Željeznički (Vatreni) most, u dužini cca 1285m, a u postupku pribavljanja odobrenja za građenje.

Vodna saglasnost se donosi na osnovu utvrđenog činjeničnog stanja i pregleda projektne dokumentacije Novelacija Glavnog projekta «Uređenje lijeve obale rijeke Bosne u Maglaju, dionica: Gradski most – Željeznički (Vatreni) most», urađen od strane „IBIS“ d.o.o. Zavidovići, V/ 2022. godine, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.

2. Dostavljeni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-604-3/19 od 11.11.2022. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 2. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama materijala iz korita i svim ostalim podacima koji se uobičajeno vode kod ovakve vrste radova.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.5. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.9. Nakon završetka radova, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u projektovano, odnosno, na prostorima koji su korišteni u toku gradnje, u prvobitno stanje.

- 3.10. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom regulacije korita rijeke Bosne, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
3. Ukoliko se izvođenjem radova na regulaciji korita rijeke Bosne na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
 4. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 5. Korisnik vodne saglasnosti ostaje u obvezi da prije početka radova, a kada period izvođenja radova na uređenju obale vodotoka, najmanje sedam dana ranije obavijesti Sportski ribolovni klub „Bosna“ Maglaj, koji je korisnik ribolovnog prava na ovom ribolovnom području, o početku izvođenja radova u koritu rijeke Bosne, na predmetnoj dionici.
 6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 7. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na regulaciji korita rijeke Bosne, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
 8. Korisnik vodne saglasnosti je dužan da prije početka izvođenja radova okonča proceduru eksproprijacije i promjene vlasništva zemljišta, tj. riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
 9. Ova vodna saglasnost prestaje da važi istekom roka od 2 (dvije) godine od dana njenog izdavanja, ukoliko do tog dana nije pribavljeno odobrenje za gradnju i započeti radovi.
 10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Podnosioc zahtjeva, Općina Maglaj - Služba za urbanizam, geodetske i imovinsko-pravne poslove, se aktom broj: 05-19-4-4451-1/22, obratio ovoj Agenciji za izdavanje vodne saglasnosti za aktivnost uređenja lijeve obale rijeke Bosne, dionica Gradski most – Željeznički (Vatreni) most, u dužini cca 1285m, na području općine Maglaj.

Uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija Obavještenja o razvrstavanju pravnog lica prema djelatnosti broj: 04-32,5-1-4218294800000/02 od 03-01-2003 godine;
- Kopija Uvjerenja o poreznoj registraciji izdatog dana 03.01.2003. godine od strane Porezne uprave Federacije BiH - Kantonalni porezni ured Zenica;
- Ovjerena kopija uvjerenja kojim se potvrđuje da Općina Maglaj nije upisana u jedinstveni registar obveznika indirektnih poreza, izdata od uprave za indirektno oporezivanje BiH – regionalni centar Tuzla, 19.04.2022. godine;
- Kopija Odluke o organizovanju Općinskih službi za upravu Općine Maglaj broj: 02-05-175/05 donesene dana 08.02.2005. godine od strane Općinskog vijeća Maglaj;
- Kopija Odluke o izmjeni i dopuni Odluke o organizaciji Općinskih službi za upravu Općine Maglaj broj: 02-05-1-418/06 donesene dana 23.03.2006. godine od strane Općinskog vijeća Maglaj;

- Izvod iz posjedovnog lista broj 1814, Služba za urbanizam, geodetske i imovinsko-pravne poslove Općine Maglaj;
- Zemljišnoknjižni izvadak broj: 042-1-NAR-22-002 981, ZK uložak broj: 4021;
- Izvod iz posjedovnog lista broj 287, Služba za urbanizam, geodetske i imovinsko-pravne poslove Općine Maglaj;
- Zemljišnoknjižni izvadak broj: 042-1-NAR-22-002 967, ZK uložak broj: 3920; 042-1-NAR-22-002 944, ZK uložak broj: 4116; 042-1-NAR-22-002 943, ZK uložak broj: 3929; 042-1-NAR-22-002 941, ZK uložak broj: 4185; 042-1-NAR-22-002 942, ZK uložak broj: 3494.
- Kopija urbanističke saglasnosti broj: 05-23-3-2700/19 od 12.09.2022. godine izdata od Službe za urbanizam, geodetske i imovinsko-pravne poslove Općine Maglaj;
- Dokaz o uplaćenju upravnoj taksi;
- Saglasnost Sportski ribolovni klub „Bosna“ Maglaj broj: 28-09/22 od 28.09.2022. godine.

B. Tehnička dokumentacija

- Ovjerena dokumentacija: „Novelacija Glavnog projekta «Uređenje lijeve obale rijeke Bosne u Maglaju, dionica: Gradski most – Željeznički (Vatreni) most», urađen od strane „IBIS“ d.o.o. Zavidovići, V/ 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku koji je prethodio donošenju ovog rješenja utvrđeno je:

- Za potrebe izrade projektne dokumentacije angažirana je projektna kuća „Ibis“, koja je uradila projektnu dokumentaciju predmetnog uređenja lijeve obale rijeke Bosne, pod nazivom „Novelacija Glavnog projekta «Uređenje lijeve obale rijeke Bosne u Maglaju, dionica: Gradski most – Željeznički (Vatreni) most»“, maj 2022. godine.
- Da je od strane ove Agencije, rješenjem broj: UP-1/21-1-40-604-3/19 od 11.11.2022. godine izdata prethodna vodna saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Situativni prikaz projektnog rješenja za predmetnu dionicu sa planiranim radovima na uređenju lijeve obale i izgradnji objekata za zaštitu od poplava, pozicijom planiranih objekata (stabilizacioni pragovi, stepenište, objekti za uvođenje zaobalnih voda i sl.), razmjere 1:1000, sve urađeno na bazi raspoloživih geodetskih podloga koja su novelirane za potrebe izrade ove projektne dokumentacije. U projektnoj dokumentaciji je priložen uzdužni profil u razmjeri 1:100/1000 kao i poprečni profili u razmjeri 1:100;
 - Usvojen je normalni profil oblika dvostrukog trapeza, berme (šetnice) 5,30m i krune nasipa 5,50m. Nagib kosina obale minor i major korita je 1:1,5. Nagib kosine nasipa prema branjenom području je 1:1,5. planirano uređenje lijeve obale odgovara nivou stogodišnje vode + nadvišenje u vidu AB zida od 100cm. Oblaganje kosina korita rijeke predviđeno kamenom u betonu, d=40cm, do kote berme.
 - Izgradnjom objekata za zaštitu od poplava i uređenjem lijeve obale rijeke Bosne na predmetnom lokalitetu postiže se zaštita od velikih voda, obezbjeđuje stabilizacija obale, sprječava neželjeno meandriranje vodotoka i obezbjeđuje proticajni profil;
 - Ukupna dužina planiranog uređenja iznosi cca 1285 m;
 - Planirani radovi i aktivnosti predstavljaju nastavak izgradnje objekata regulacije na ovom području.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava u predmetnom području općine Novi Grad, na osnovu člana 109. stav (1) tačka 8. i 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), valjalo riješiti kao u dispozitivu ovog rješenja.

UPUTA O PRAVNOM LIJEKU:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- Općina Maglaj, Služba za urbanizam, geodetske i imovinsko-pravne poslove, Viteška ulica br. 4, 74250 Maglaj (Prilog – tehnička dokumentacija navedena pod tačkom B obrazloženja Rješenja)
- AVP Sava, ISV – Vodna knjiga
- Sektor 30
- Ⓢ Sektor 40, arhiva
- oglasna ploča AVP - Sava